

雷波廳志卷二十九

邊防志下

光緒八年熟夷勾結生番出巢滋事廳城附近多熟夷烏角汛外爲胡姓支夷住牧約七八百家直達於黑角汛界南則千萬貫爲土舍楊世貴屬地毘連徐馬兩支東則牛吃水之八寨國盧諸夷與漢人雜處此類皆

國初時投誠納土衣服言語仍沿夷制其人良莠不齊與涼山諸夷互結婚姻往來不絕桀黠者每引誘爲

雷波廳志

卷二十九

邊防下

一

亂兼自同治以來夷匪積年滋擾所擄各邊丁口不下萬餘人皆役屬爲奴指所擄漢人婦女轉相婚配是以近來涼山生齒日繁亂日益滋皆此輩爲之導也八年以前夷眾初無釁端突於正月六日糾結二千餘人分股竄擾以數百人由那比汛至大坪子將逼廳城副前營管帶劉鎮湘派差弁蘇殿侯率四十人據險邀擊兵敗被擄乃續派百人守青杠林夷匪知城內有備遂下擾江邊一帶至迴龍場焚燬場市並破數碉其破碉也積柴薪於外用火焚之人在內

不能堪，皆炙灼以死。夷去啟視，屍骸枕籍，望之皮色如生人，而肉盡腐爛，手不能舉。但用土掩覆之，慘毒不堪言狀。其大股則由後山出，牛吃水，至磨刀嘴山梁，欲犯獅子坪、蘿葡茨等處。定邊營督帶張占鼇率親兵百人往擊。甫至山半，夷眾呼噪，層次合圍。占鼇故振武軍宿將，見賊眾不可與爭鋒，令軍士執洋鎗團伏以待。鎗不及賊，勿虛發。賊易其人少，直前衝突。鎗發斃數人，勢稍卻。移時復進，再擊之，連斃前鋒悍賊。賊度其終不可犯，乃引去。占鼇隨後掩擊，殺傷甚

眾由是大股退回老林，而以零匪分擾各鄉。兵勇紛紛救援，腳無停趾，蔓延不可收拾。署通判李中敷、署參將蔣繼榮再請兵進剿。督憲丁寶楨知邊事糜爛，夷匪終不可以恩結也。未及

奏聞，當派候補知府張世康率所部達字左營、督辦雷波夷務，並檄調管帶壽字右營參將何炳元隨之進剿。撤劉鎮湘、張占鼇回省，以副將劉喜一管帶壽字副前營，以游擊李鴻順管帶定邊營，均歸世康節制。世康在川邊多年，於夷情之向背、邊事之得失，皆體

察周知、所部士勇、樸實耐勞、踰越蹊徑、不畏險阻、其
治軍亦最嚴整、倉猝遇敵、不返顧、不驚惶、賞罰嚴明、
將士用命、故在邊多立功績、八年三月、至雷波、諸軍
畢集、留劉喜一一營駐廳城、衛根本、並防黃螂竄匪、
廳主李中敷率雷威軍保後山、大道護運軍糧、以署
參將蔣繼榮沈勇有謀、命帶普安兵百六十人隨征、
並稟調我邊營把總王春芳署右營守備、布置既定、
飭諸軍陸續進發、月杪畢會於三稜岡、用鵬勦法相
機進取、原夷巢以涼山爲正穴、其大支族類皆傍黃

雷波廳志

卷二十九

邊防下

三

毛岡山梁而居、其地最爲險遠、其夷眾尙稱蠢樸、近
數十年爲邊患者、皆毋狗坡負主寨奴云、寨小溝挖
沱寨諸夷、與黑角馬頸子相逼處、其出擾旣易、其歸
巢亦易、此外則大院子支夷界連屏馬、凡各支之游
惰無業及兇悍好事者、皆竄集於此、黃海各鄉罹禍
最酷、世康揣量地勢、賊情先命左營幫辦游擊駱宗
保帶營勇百人營於田家灣、扼守涼山門戶、以防衝
突、兼絕諸夷應援之路、然後命哨長田金魁冷洪高
各帶百人、由黑角汛渡河、分紮油羅岡、堅築營壘、徐

圖進攻署參將蔣繼榮帶普安兵駐黑角汛隨時策應參將何炳元帶壽字右營駐馬頸子與諸將犄角相援而自率親兵及李鴻順一營駐丁家坪子調度一切五月分軍擣長河塢乃昔年漢人所居場市整齊人烟稠密自道光後淪沒於夷夷人數百戶零星雜處中多不法悍夷見我軍旣至亦卽分股迎敵該匪蓄銳旣久兇猛異常左營勇丁袁占標登時傷斃哨長李鴻順及幫辦守備張世信等乘勢猛攻多用洋鎗烘擊夷眾不支四散敗走我軍從後追擊殺斃

悍匪多名將其寨棚一律平燬奪獲器械無數以夷盔一頂呈於大府方擬乘勝進剿諸巢維時山水暴漲我軍前日渡河而營者皆因河水阻隔糧運艱難不能進討又聞大院子之夷有糾眾來援之信世康乃命駱宗保帶百人駐東林鄉牽綴賊勢以李鴻順移營田家灣填紮舊壘並飭蔣繼榮於西蘇角河造橋濟師繼榮擇上下流水勢平緩處督同署黑角汛把總孫兆齡造三木橋橋成世康命張世信會商蔣繼榮並油羅岡各軍進剿毋狗坡坡前一綫單梁山

勢險窄不能容大眾夷匪在半山修柵拒守滾木擗石皆備世信與繼榮定議以營勇攻其前以制兵繼其後是日世信率哨官冷洪高田金魁張占烜向華庭楊德全等各帶勁卒數人分數路蟻附而上兵勇大隊隨後繼之山上矢石如雨我軍隱於石罅內俟石過然後起午後遂抵柵前該匪以數十人出柵迎敵手執長刀死戰不退適遇壽字右營幫辦參將張善安帶營勇百人由馬頸子渡河攀藤附葛繞出坡後該匪腹背受敵勢漸不支張占烜乘勢搶入寨前

雷波廳志

卷二十九

邊防下

五

砍倒木柵我軍一擁而入前後夾擊陣斬黑夷八名白夷數十名餘匪受傷者或從山後跑逃或身裹氈衣墜崖而遁天色將晚縱火將寨棚焚燬收回各軍越日勦白崖灣冲天巢等處連獲大勝耀兵至小溝口子而還世康亦由田家灣進兵督李鴻順等攻漂漂石竹槁窩皆不煩兵力所到乞降惟挖陀寨山崖陡險同於母狗坡我軍奮勇直前該夷懲於母狗坡之敗不敢拒敵遂奪其險要斬馘多名由是馬頸子黑角及三稜岡附近諸夷一律平定世康席累勝之

威復抽調各營精銳進剿涼山皆裹乾糧捲旗疾走
行抵大小谷堆地勢平行夷寨稠密我軍將用火焚
燒而其黑白夷酋環跪道左泣求免死時至冬令大
雪滿山我軍無復後繼兼以該夷深知畏懼不戰而
屈乃允其投降將得力黑夷帶回三稜岡聽候區處
十月內外二十四支土千百戶及黑骨頭男婦大小
數百人齊集三稜岡世康會商新任廳主周鳳藻署
參將蔣繼榮署右榮守備王春芳土司楊德壽擇日
受降飭各支夷闡牛皮刑牲設誓永不復反並令出

具甘結聯環互保又以庚札支舊設千戶一名百戶
十名平時不能約束娃子屢出滋事特將百戶五名
革去以示薄懲外有小溝孃花兩支新到投誠自遠
來附賞設百戶二名用示懷柔之意各支夷帖然畏
服無有異議當卽賞以銀布鹽酒等物諭令歸巢惟
留土千百戶及得力夷兵在雷波廳衙門聽差隨卽
酌議善後章程以雷波各屬分爲上中下三路飭各
支分路認保何路有事卽以何支是問至諸夷出城
交易以及他處探親必須在三稜岡黑角汛扯取路

票如無路票，卽係生番，軍民格殺勿論。又議諸夷不得妄殺平民，如妄殺一人，議賠命價銀五十兩。在每季夷餉內扣除。漢人妄殺夷人者，亦如之。各支夷均復遵議。大局粗定。世康先稟撤劉喜、一何炳元兩軍回省，留達字兩營駐雷波，以資防範。十二月，世康回敘防。張世信、李鴻順移營東林鄉，會駱宗保軍進剿大院子。九年二月，李鴻順等先後進發，駐軍於貓兒蕩。將抵賊巢，該夷糾悍匪百餘人，潛伏山頂，欲乘隙毀我前敵營壘。駱宗保探聞賊信，卽帶勁卒五十人

雷波廳志

卷二十九

邊防下

七

由樹林茂密處，隱身潛行，突至山頂，舉放洋鎗。該夷不辨我軍多寡，驚惶亂竄，立斬悍酋七名，受傷者不計其數。自是該夷膽怯，不敢出戰。且將輜重、婦女移於深山箐林。李鴻順等會商，我軍以二十人爲隊，身帶乾糧，扒山越嶺，四出搜剿。時發其窖藏，閒逸獲其婦孺。該夷窮蹙，奔竄無所安處，然猶不肯出降。四月，蔣繼榮帶普安兵百人，由石角營進發，聲稱助剿。張世信亦復督兵向前進紮。諸夷慮我軍深入無已，其夷目甘糯米、庚兒、石圖率黑夷數十人，至軍前乞降。

五月、廳主周鳳藻會屏山縣令譚酉慶於東林鄉同各營主受降、議撫仍飭各夷闔牛皮刻木設誓、並留黑夷在雷波廳屏山縣兩處聽差、藉資鈐制、諸夷俯首允議、乃賞以銀布各物而去、雷波全境軍務至是一律肅清、張世信李鴻順均各班師出境、其善後未了之緒、交廳文武次第爲之、廳主周鳳藻盡心邊事、撫馭得宜、各土千百戶無不聽其約束、署參將蔣繼榮佐以威猛、遇有過失、鞭打箠楚、無所靳、周鳳藻陽爲之解、徐以好言撫慰、使其就我範圍、恩足以結其

雷波廳志

卷二十九

邊防下

八

心、威足以消其暴、寬猛相濟、夷情帖然、署右營守備王春芳、近在夷巢、善於調察、凡涼山舉動、纖悉備知、每先事而爲之備、聞有零匪逸出、爲患必於蠻路口、竹耳窩各隘、伏兵截其歸路、夷匪鮮得利者、三人在邊數年、遇事和衷、同心共濟、其辦理大略如此、數年之內、邊民休息、

光緒十六年、夷匪再亂、自九年張世康之凱旋也、率達字副前營出雷波、移駐屏山之撕栗沱地、自是雷波無防、勇武備空虛、逆夷蹈我之瑕、每欲乘閒思逞、

猶幸邇時地方文武戮力一心和衷辦理邊事有條不不紊署右營守備王春芳在門戶之前遇有著名悍匪必設法生致之送交雷波廳卡禁管押當是時在城囚禁者百有餘人廳主周鳳藻挾重質以制諸夷操縱自如通巢在握各支遂帖然不敢妄動厥後瓜代不常官斯土者每一年而去既於邊事不暇深求而得力諸夷或替換歸巢或隨時省釋我既失其箝制彼卽肆其憑陵至十六年而亂作矣先是阿黑支黑夷和合因事進城酒醉後墜樓身死及吳奇支黑

雷波廳志

卷二十九

邊防下

九

夷六圖在城聽差染病身故兩支夷隱萌叛志皆欲藉事生非廳文武隨事撫馭已各安靜適有小溝補卽支黑夷風簸素爲不法常縱其家奴在千萬貫一帶劫掠平民團總簡良貴集團禦之曾斃其一匪風簸借此挑動各支復命同族黑夷魚姑至西昌夷地糾集悍匪千數百人分頭出擾二月十七至千萬貫石板灘等處攻破碉堡十一座恣意掠殺廳主施毓齡署參將謝金誥派兵勇往援該匪遂折回老林另由他道分股出擾閏二月十九乘夜犯牛吃水鄉掠

去男婦三十餘人、謝金誥素習邊事、體察機宜、因用以夷攻夷之法、命土百戶丁成龍、朱木姑等各帶家丁數人、隨同兵勇潛伏要隘、邀截叛夷歸路、行至吳家壩、果遇風簸魚姑驅所掠男婦回巢、兵勇迎頭截擊、奪回難民十八人、餘匪四散奔走、兵勇深入重地、不敢窮追、將難民帶回廳城、嚴防各隘、月杪夷眾分擾海腦壩、青山鄉、狍子壩、天姑密各處、並穿所奪團民號衣、夜襲黃螂、均經兵勇擊退、維時賊勢蔓延、此擊彼竄、兵勇往來策應、奔命幾疲、廳文武會稟各憲

雷波廳志

卷二十九

邊防下

十

請兵來援、敘州府知府王麟祥、知賊勢已成、廳民塗炭、當卽據情轉稟、並會商駐防敘州府達字營統領總兵馬朝選、就近撥兵往援、正商議間、督憲檄至、因接永甯夏道電報、已派提督唐珊峯帶達字右營、都司姚振邦帶長勝右營、分赴雷波相機進剿、均歸馬朝選統辦、三月十八二十等日、兩軍先後抵雷波、馬朝選亦率精兵兩哨由敘防馳至、當商地方文武以姚振邦一營駐防黃螂、唐珊峯撥前左兩哨駐防牛吃水、馬朝選駐城內、居中調度、各營勇爭先用命

踴躍前驅、遂將各路股匪截擊歸巢、其餘竄伏老林者、復會同廳勇營兵四出搜捕、斬馘無算、而右營兵亦在雙碑坳施家厰向灣各處連獲勝捷、生擒悍夷、自是匪蹤稍斂、馬朝選會商文武、傳集各支未叛夷目、散放夷餉、曉以利害、喻以恩威、令其各安本分、各夷目遵奉約束、無異辭、唯補卽吳奇支畏懼不出、馬朝選於散餉後、率所部回敘防、留唐姚兩軍駐雷鎮守、該夷聞統領旋師、疑我兵力單弱、魚姑風簸約同吳奇支阿車糾集悍匪一千數百人、由竹耳窩竄牛

雷波廳志

卷二十九 邊防下

十一

吃水、踞蓮花石山頂、下窺場市、勢甚猖獗、廳文武疊聞警報、當督兵勇守城、營官唐珊峯率幫辦劉政高帶中哨馳往援擊、既抵牛場、見夷眾漫山遍野、屯聚如蟻、鄉民扶老攜幼、號泣奔走、珊峯因戒其部下曰、事急矣、若今戰而不勝、賊必下竄、不特牛場無子遺、將闔廳皆受其害、今我分軍爲三路、前後夾擊、互相應援、但能破其前鋒、其後股必反走、可獲全勝、賊雖多、無能爲役也、乃命駐防牛場之前左兩哨潛往蓮花石山半埋伏、自率中哨當其大股、該夷恃其人眾

蜂擁來撲圍我軍數重珊峯命軍士四面迎敵施放
連環鎗礮已斃其前鋒數十人猶復拚命抵敵前哨
長唐振聲揮刀陷陣手刃賊渠各軍士亦奮勇直前
短兵相接鏖戰移時而我前左兩哨伏兵已由山半
殺出該匪前後受敵登時潰敗生擒黑夷曲曲白夷
格租斬馘九級奪獲刀矛無算餘匪受傷逃竄適天
色將晚收軍回場居民在道聚觀感激泣下是役也
夷匪死亡百數十人其黑夷傷斃者尤眾回巢後各
支集議立誓復仇以吳奇支爲之主六月十九日攻

雷波廳志

卷二十九

邊防下

三

濫壩子汛及柑木坪並分股圍黑角砍折我禾稼殺
掠我民人魚姑復至西昌阿六馬家搬來悍夷洋耗
兒率領一千餘眾新舊併力疊出狡謀二十日夜以
大股圍三稜岡分股撲馬頸子右營守備戴炳勳登
城固守與賊相持比及天明見賊勢稍息乃命把總
沈正義外委劉大富帶兵出城分道砍敵夷匪驚潰
由田家灣山路遁去其馬頸子之股亦經千總李廷
傑外委吳占高力戰擊退越日廳主施毓齡署參將
謝金誥分派兵勇往援聲勢稍壯然仍時出時沒牽

擾各軍、廳文武會議、以該夷屢敗之餘、猶復逞其狂謀、不知悔懼、若不深入痛剿、終難望長治久安、因一再陳請添兵進剿、制憲劉據實

奏聞、當派提督劉玉田率先鋒營赴雷助剿、檄馬朝選再至雷波節制各軍、統辦夷務、命謝金誥招土勇三百人爲鄉導、七月二十六日、馬朝選抵黃螂、適駐黃營官姚振邦大獲勝於海腦壩之徐家崖、轟斃夷匪四十餘名、生擒黑夷普子、斬首三級、奪刀矛無算、救回難民六人、均解至統領軍前獻捷、次日馬朝選仍

雷波廳志

卷二十九 邊防下

三

飭姚振邦率所部六成隊伍、會同團總錢發魁、吳正暄、由徐家崖一路搜山、並派署安阜營都司吳以忠、黃螂司巡檢曾傳葆、紳士徐星漢等分率兵團隨同策應、另派部下衛隊哨長張占烜、楊炳光率大隊由額窄溝進發、至曹家埂、突遇夷匪數百人、我軍兩路夾擊、哨長趙孟謙、張占烜等奮勇先登、生擒白夷黃蜡兒、鎗斃百有餘匪、其餘墜崖落澗者無數、姚振邦、吳以忠等得勝回防、馬朝選於八月初四日、至廳城指揮各營、併力防剿、號令霜雪、賞罰嚴明、將士無不

用命總理營務處候補道員徐春榮又建懸賞購夷之議無論軍民皆準其殺夷自效優予重賞軍士聞之勇氣百倍九月中旬謝金誥命鄉導勇密偵賊蹤探知該夷糾集二千餘名盤踞田家灣山頂馬朝選與各營商定以謝金誥率戴炳勳徐鉞分帶左右營兵會同劉玉田先鋒營攻其中路施毓齡率廳勇團練攻其左唐珊峯與統領衛隊攻其右九月二十七日各軍陸續會齊三路並進該匪猶以大股分路迎敵適姚振邦吳以忠搜山到雙碑地急督兵勇直前

雷波廳志

卷二十九

邊防下

十四

助戰夷眾不能抵敵四散奔逃各軍擒斬無數乘勝將秦家梁子蠻棚數百間悉行焚燬餘匪敗踞葱子坪雙土地白崖灣等處謝金誥劉玉田率兵勇踰河而攻直上葱子坪生擒督隊悍夷百戶達曲施毓齡剿雙土地姚振邦剿白崖灣皆賈勇直前沿途掃盪馬朝選察知各夷畏死逃匿其膽已寒因督諸軍四出搜剿唐珊峯擒獲夷女二名最爲夷俗所貴重劉玉田謝金誥復於母狗坡山頂生擒悍酋慈噶乃夷巢著名巨匪由是兵威大振遠近讐攝各支夷陸續

來降、唯小溝補卽支持其天險、抗不卽服、營務處徐春榮以機不可失、時不再來、命諸軍速圖進取、馬朝選乃令謝金誥、唐珊峯、劉玉田各率部勇連營、黑角規取小溝、謝金誥當卽善撫已降諸夷、修治道路、爲我鄉導、稟於統領、添調長勝右營及普安三營制兵、雷波廳廳勇團練會同進取、數道並攻、十月二十五日、立將小溝攻克、連破二坪子、仰天窩等處、陣斬黑夷百餘名、生擒二十餘名、轟斃黑白兇夷二百餘名、魚姑風簸受傷潛逃、其本支黑夷瑣簸必摸等、帶集子姪家奴至營前乞恩免、勦誓願投誠、永不復叛、馬朝選見其窮迫、哀懇始允其降、遂撤各軍回廳城、方議受降招撫、而施毓齡已積勞病故、知屏山縣事譚西慶捧檄來代、馬朝選乃於十月初七日在校場大設軍威、會同文武將弁、傳集內外二十五支土千百戶夷兵、夷目大小頭人、闐牛皮立盟誓、取具聯環保結、認保各頭隘口、遵奉舊章、永不復反、謝金誥同譚西慶反覆開導、宣示

朝廷威德、從此宜革面洗心、毋背盟誓、毋樂禍亂、各支

夷俯伏聽命、乃賞以銀幣牛酒而去、夷務既平、各軍班師、惟留唐珊峯率達字右營駐雷波、以資鎮守、十七年正月、署通判事孫培元、歷任至二月病故、督憲劉以邊事至重、當因地擇人、乃調署夔州府通判秦雲龍來攝廳篆、六月履任、續理善後、整頓邊防、而尤以招集流亡、開拓荒蕪爲己任、十八年夏、六月、巡歷各鄉村、凡人迹罕到之處、皆親往閱視、乃酌量形勢、於東北五十里之分水嶺、修築隘卡、撥廳勇駐防、以衛道路、昔日流民間風爭集、自東林鄉至濫壩子、

雷波廳志

卷二十九

邊防下

六

百餘里內、膏腴地土、逐漸開墾、居民千有餘家、九月復至犍子村、傳集遺黎、新設場市、來歸者已二百餘戶、從此三年成邑、七年卽戎、可以漸收其效矣、

成都將軍宗室歧元、四川總督劉秉璋、勦辦夷匪疏略

奏爲雷波廳屬夷匪出巢肆擾、謹將調營堵擊獲勝並

現在擬辦情形恭摺會陳仰祈

聖鑒事、光緒十六年三月、聞據雷波廳通判施毓齡參將

謝金誥統領達字全軍馬朝選稟稱、閏二月、聞雷波所屬小溝補卽支夷風簸魚姑等勾結西昌生番二千餘人、大股出巢擾廳屬之牛吃水、天姑密等場焚燒房屋、搶掠牲畜、捆縛民人、經該廳將並達字營暨普安右營等分守隘口、次第擊退、但該夷仍伏附近老林、此地隘多、兵少、不敷分佈、等情、臣等當卽調派達字左營唐珊峯前往駐紮牛場、並調長勝右營姚

振邦前往駐紮黃螂該夷匪復經撲擾牛吃水及黃螂附近各場經唐珊峯等奮力出擊轟斃夷匪百餘名生擒黑白夷數名立即正法五月二十三日該夷又勾結吳奇支阿車等各率夷眾四出攻掠復經唐珊峯姚振邦等分路出擊於蓮花石地方接仗大施槍礮轟斃夷匪無算生擒夷匪十二名即於陣前正法我軍弁勇亦有受傷當亦分別記功賞給在案近據該廳營轉據夷差探報叛夷各支因此次傷亡太多俟六月剪割羊毛之後定即傾巢內犯報仇等語臣等現又調派先鋒右營劉玉田督隊多帶洋槍助剿伏查上年馬邊各夷滋擾其時雷波廳屬夷支頗稱靜謐是以未經剿及該夷匪輒敢勾結西昌生番出巢迭經我軍擊退仍復潛匿老林狡焉思逞倘蒙天威藉此數營助剿一戰而服即可蕺事若乃肆擾不退不能不量予進剿查川省營勇分防各處均有專責碍難再事抽調而雷波隘口紛歧防此竄彼各營弁勇已覺疲於奔命與其曠日持久使吾民擾害時虞自須分隊進攻使該夷畏威就撫此後如實不敷分

雷波廳志

卷二十九

邊防下

七

佈即照上年馬邊添勇章程辦理查馬邊添勇二營於事定後當已裁撤均經奏報在案此次如須添勇亦止暫募二營自成軍之日起咨報戶兵二部照章給餉仍於事定後裁撤以節糜費所有雷波廳屬夷匪出巢肆擾調營堵擊獲勝並現在擬辦情形是否有當理合恭摺會陳伏乞

皇上聖鑒訓示謹

奏

奏為各營勦辦雷波夷匪謹將迭次獲勝情形恭摺會

陳仰祈

聖鑒事竊本年春間雷波廳屬小溝補即支夷風簸魚姑等勾結西昌生番二千餘人滋擾邊境焚場劫財擄人經臣等調派各營前往迭於牛吃水蓮花石等處接仗擊退會將獲勝緣由奏陳在案七月二十七日大院子恩札黑夷普子糾夷五百餘人竄出海腦壩徐家崖一帶經哨弁趙孟謙都司吳以忠合攻轟斃夷匪四十餘名趙孟謙奮勇直前將黑夷普子生擒過陣餘眾奔潰統領達字營馬朝選即於次日率弁

分路由徐家崖進勦曹家埂轟斃夷匪百餘名長勝
右營弁勇擒獲白夷數名奪獲刀矛氈衫百餘件並
燬蠻棚七十餘間各營日出搜山夜守要隘該夷潛
侵暗擾均經營勇擒斬多名隨時擊退馬朝選探得
夷匪集有二千餘眾盤踞距三稜岡三十里之田家
灣因密與各營將備商定調守備戴炳勳千總徐鉞
所部營勇並參將謝金誥之鄉導勇二百名及先鋒
營劉玉田合爲一隊進攻田家灣左路該統領自派
管帶唐珊峯並衛隊及中哨隊伍爲一隊進攻田家
灣右路長勝右營姚振邦安阜吳以忠先期潛赴三
稜岡九月二十七日夜陸續會齊三路同時並進夷
匪驚覺大股出敵我軍各用洋槍連環圍打一面放
火先將寨外蠻柵焚燬鄉導先鋒等營先進各營相
繼而進接戰良久夷眾抵敵不住四散奔逃墜崖落
澗者無算乘勝將田家灣秦家梁子夷巢數百間悉
行焚燬天曙追殺十餘里轟斃致斃夷匪百餘名斬
首二十餘顆生擒黑白夷三十餘名是役也我軍帶
傷亦二十餘名當卽照章分別輕重給賞隨密探該

雷波廳志

卷二十九

邊防下

六

敗夷散踞葱子坪雙土地白崖灣等處夷巢馬朝選
與各營將備商定進攻於初九日夜仍三隊分勦謝
金誥劉玉田督勇銜枚疾走至老街子解衣渡河直
上該坪陣斬十餘名生擒督隊夷首百戶達曲一名
黑白夷二十餘名施倅毓齡等進攻雙土地姚振邦
等進攻白崖灣同時撲擊各有斬獲轟斃逆夷無算
餘眾退敗三路弁勇會齊於初十日午後收隊沿途
共燬夷巢千餘間燬平夷卡三十餘座各營獻俘獻
馘當經統領分別記賞一面將擒獲百戶曲達等斬
梟敗夷入母狗坡堅守劉玉田探得有黑夷慈噶者
爲此次號召夷匪指揮出擾之人遂與謝金誥密派
熟識慈噶之鄉導勇於十五夜潛赴該坡夷匪偵知
山頂播石如雨而下待至四更播石不繼我軍突上
山寨火彈齊發火光中鄉導勇羅廷荃瞥見逆首慈
噶倉皇衝突鏖戰兩時傷其左腿始就擒獲夷眾又
復散敗我軍振旅而還臣等因其先後告捷檄令各
營仍前嚴密防範相機進勦雷波夷匪迭次戰勝緣由
傾心歸誠所有各營勦辦雷波夷匪迭次戰勝緣由

理合恭摺具陳再此次各營將士極爲奮勇頗稱得手將來救定可否擇尤保獎以示鼓勵恭候

聖裁伏乞
皇上聖鑒訓示謹

奏

再雷波一役前因隘多勇少不敷分佈已檄令參將謝金誥暫募鄉導勇二百名屏山防營前因調派唐珊峯督勇赴雷波助剿該處空虛檄令該營官茹孔善添募新勇一百名又據建昌鎮劉士奇稟報雲南披砂廳屬夷人叛逆經滇省分調官兵進剿披砂與川界緊連恐其竄入爲患該鎮所轄制兵不敷守禦亦批檄該鎮暫募土勇二百名藉以分防邊隘均自成軍之日起查照川省勇營各哨章程支給口糧實因三邊同時有警若各募一營不免糜餉是以從權酌令分募一二三哨以節餉需一俟事定卽令裁撤理合附片陳明伏乞

聖鑒謹
奏

雷波廳志

卷二十九

邊防下

九

奏爲勦辦雷波夷匪復獲大捷各夷傾心就撫邊境肅清恭摺具陳仰祈

聖鑒事竊上年春間雷波夷匪小溝補卽支夷風簸魚姑等勾結生番出巢滋擾邊境臣等調營往剿會將迭次獲勝情形奏陳嗣於田家灣等處復獲勝仗奏奉硃批著俟事定後擇尤保獎毋許冒濫欽此當卽轉行在案嗣據達字營統領馬朝選等陸續稟報以各支夷人皆有投誠之意惟小溝魚姑二支始終怙惡恃其夷巢險峻二百餘年從無官軍深入且有二千餘人匪黨相爲勾結不肯乞降迭遣土舍熟夷前往開導迄無轉機自非直擣其巢不能懾服營務處候選道員徐春榮定議以進攻不可再遲庶免曠日持久獲俘不盡殺庶使懷德投誠遂於十月十六七等日會同儘先參將謝金誥記名提督劉玉田唐珊峯都司銜姚振邦等各帶所部連營進紮於二十日夜各營齊發維時霜雪凝寒路途凍裂將備弁勇一鼓作氣攀藤附葛銜枚疾走直擣小溝夷巢連破二坪子仰天窩等處摧堅陷銳所向無前陣斬逆酋黑夷百餘

名生擒二十餘名轟斃黑白兇夷二百餘名追殺至
二十一日晌午始各收隊探知風箴身受重傷魚姑
隻身潛遁其兄弟子姪瑣哇初必摸等及二支夷
酋隨各帶同娃子數百名來詣各管帶營前乞恩免
勦自限三日內將所捆難民全數繳出傾心投誠誓
不復叛通計雷波夷匪二十六支所有各支土千百
戶及黑夷目一百五十二名各支長標子白夷三百
二十名均於十一月二十六日齊集到廳各營隊伍
亦均拔隊回城經該署廳譚西慶署參將謝金誥諭
以兵威陳以利害責其糾眾出反之罪宣示

朝廷寬大之恩各支夷酋均各感激悚惶叩首謝罪認
保隘口伏地求憐乃定期於十二月初七日齊集校
場大設軍威查照夷例闖皮飲血誓不復反當卽賞
給布疋銀牌嗶嘰花線鹽酒該夷等歡欣鼓舞而退
並令瑣箴呼曲二酋在城當差餘均分遣回巢邊境
肅清等情前來臣等會同商酌除飭各營分別回防
擬暫留唐珊峯一營駐紮雷波邊隘以期有備無患
並飭該文武等將善後一切事宜妥爲佈置用副

雷波廳志

卷二十九

邊防下

三

聖主綏靖邊陲之至意此次雷波夷務綜計大小數十戰
生擒及陣斬轟斃共千餘名攻克堅巢七十餘座奪
獲刀子氍衫千餘件焚燒蠻棚二十餘間小溝素稱
强悍現既懾服則各支必益帖然各將備弁勇奔馳
於冰雪之中轉戰於瘴烟之外不無微勞足錄所有
勦辦雷波夷匪復獲大捷各該夷支傾心就撫邊境
肅清緣由理合恭摺具陳伏乞

皇上聖鑒訓示謹
奏